

82* dito ad alcun se non a uno prè Zuan Piero so confessor, credendo dirlo a Dio. Hor fo scritto a l'officio nostro de l'Avogaria, et preso el prete, et datoge per el Colegio la corda confessò el tutto al secondo trato poltronescamente, siccome vederà le Signorie Vostre per el processo, qual leto le se infiamerano molto più che per el mio parlar. Questi advocati soi et dotori eccellenti, li quali honoro per la sua doctrina, fariano meglio a non parlar, ma i laudo a farlo perchè i sono astreti a parlar in soa defension. Signori eccellentissimi, bisogna extirpar questa radice putrida, aziò le altre radice che fanno frutto non venisseno ad immarcirse, perchè altramente et frati et prèti et tutto el mondo patiriano grandemente. Sapiè, signori, che quela sua sorela che ge è sentà apresso che . . . malicia, la qual ancora se intendeva con esso prete so fradello de vender banditi, l'è caxo de grande importantia a revelar la confession. Questo traditor ha peccato et tradito la fede Christo per lire 100, *oderunt peccare mali formidine penaè oderunt peccare boni virtutis amore*. Morendo questo, li altri per paura non commeterano tal delitti che spiazano a la Maestà de Dio et al mondo. Tiberio imperator che era un homo insuportabile, havendo dato a copiar certi libri sui, et havendo colui che li copiava rassato una sola letera, per observantia de la religion, lo fè meter vivo in una pele de bò et lo gitò in *medium maris*. Et nui che faremo de sto traditor, *qui sanguine innocentem mercatus est*? Non fè signori che lutheriani se gloria, fè che questi ribaldi tremano di far simel excessi, perchè altramente la barca de San Piero che in mezo al mar vacila se rebalterà *immediate*. Le Signorie Vostre akdirano el processo et poi farano iustitia.

Et fo leto el processo, et il breve dil Papa che comanda sia desgradato. Qual sarà qui avanti posto.

A dì 17 ditto, in ditla Quarantia, reduta in sala d' gro.

El soprascritto Avogador seguite la sua renga et disse cusi: Come, Serenissima Signoria, gravissimo et iustissimo Conseio, la Divina Maestà per redimer el peccato de Adamo volse esser crucefixo, cussi questo traditor doveria per purgar el so delicto genuflexo al conspetto de la Vostra Serenità chieder voluntariamente la morte, per esser dedito troppo ad averla, dal qual dipende lo exterminio da la fede di Jesu Cristo; non facendo morir costui

lo femo andar nui a un homicidio puro, lassemo andar uno star a la strada e un furto, ma se'l se fa morir, cadaun de questi che commettesse i sopraditti mancamenti, che se farà de questo che in un ponto ha amazato la fede et assassinato Cristo? Non ello homicida et assassin? Ha mancà da lui che quel Zan de Daniel non sia stà amazado. Le cose fatte non si pò revocar, non lo allo dato in le forze de la iustitia con questa prava intention che'l sia morto, se puol far de manco che farlo squartar sto traditor? Signori, non bisogna dir l'è prete, perchè el papa pel suo breve l'ha desgradado, ve l'ha dato in le mane come laico, giudichelo come laico. El magnifico messer Alexandro Basadonna avvocato di presonieri venirà qui suso et si sforzerà con silogismi et eloquentia interpretar il falso per el vero, allegando dottori in iure canonico che non voranno che'l muora. Et le Signorie Vostre faranno iustitia de facto. Messer Alexandro arecordeve che questa causa è de Cristo, arecordeve che vui parlerè contra la so fede. El saria meglio assolver un che havesse fatto mille homicidi che questui che ha amazado Cristo, *melius enim esse nocentem absolvere, quam innocentem condemnare*. Se questui scapolasse la vita, assà numero di persone che expectano questo iudicio deventeriano lutheriani, et in un attimo per causa di questo la fede di Cristo, la qual Soa Divina Maestà ha comprado con so sangue, anderà in exterminio. Se il papa che *omnia potest* ve ha dà piena libertà, *expedit ut unus moriatur pro populo*, aziò questi poltronazi de sti preti imparano a confessar et tengano secreti li peccati. Se'l non si trovasse chi'l squartasse, il papa et li cardinali lo veneriano a squartar, come dissi heri, perchè se'l non si havesse trovato li iudei che havesseno crucefixo Cristo, la madre medema haria fatto l'officio per salvar la humana generation et redimerla dal peccato del primo parente. Sicchè morendo questui, la fede di Cristo si manterà. Signori, anche mi son piatoso, et le Signorie Vostre mi hanno fatto Avogador di Comun, che è offitio molto contrario a la mia natura, nè per mantener la fede di Cristo et per la mia patria, *etiam* esponendo et la vita et la facultà mia, *sum* per subterfuger ogni gran fatica.